

www.BibleForChildren.org




San Juan 14



Quijinduju sa cachja Jesús cojo xuta ladu rë me
cuitjin: —Xicamandyaain tacún. Catamangu tacún sa
cojo Nina, hacuaha catamangu tacún sa cojo ná.
Ngajan ngahnga hiscan tacun Nahmi naha ne, jemu
cjín cahndé tjin xi cuiyuju yëjë xuta ladu rë me.




Sa xi hacuiin cuatjin ne, ngahan ne, ha cachjá cojo nuju. Peru xicamacjiin tacún ta cjué cuéhëndaja cahndé xi cuma nuju. Hane hya xi ha cējē cavéhëndaja cahndé xi cuma nuju ne, sehe cúya nga, hane cjuécojo nuju, cojo sa xi hiscan xi cuitejña ne, hacuaha ngajan cuinechun.



Ngahan Juan ne, xingun má ngahan, tangun satë
naja cjuañihi, tangun nechan ngahma gobiernu
hacuaha tangun caa naja ngatsë rë xi

mangutacun cojo Jesús.



Ngahan cavitejñataha ngu nandya xi hmí rë
Patmos xi vetjucaa tsëhë ndachacun. Ngajan
tejñataha ngatsë rë xi cachjá cju


rë Nina cojo tsëhë
cjuaquixi xi chja Jesús.




Hora vĕhĕ ne, catsuva ná ngahñu rĕ Hasen rĕ Nina,
ngajan cahvĕ xi ngajan ngahnga ne, tacun ngu cahndĕ
rcun cojo ngu me xi tacun xcun.



Sehe cahndë xi nguyëjë ni xi siu ngahnga cojo nguyëjë
ni xi siu ngasunhndë cojo nguyëjë ni xi siu nguihma
nangui cojo ngajñi ndachacun, yëjë
ngarca xi cuacun vë ne, tichja
cuitjin: Cuitjin cumá tséhë me xi
tacun cahndë rcun hacuaha cumá
tséhë Tsánga jan: iCatama tséhë
me xi
tsinchacuntihin
rë me, xi
chjaharcun rë
me, xi cuma
jyë hnga me,
xi tjin rë me
ngahñu!



iCuatjin catama me tsëhë
me nu cjuj nu nduva!




Hane ngahan, Juan, cahvë nandya xi catsinchacun Nina xi hmí rë Jerusalén xatsë. Canduvajne tsëhë Nina ngajan ngahnga. Jemu ndaja tsejen nandya vë ta, tsejen sacuaha ngu na xi cuixan xi canicaja rë na tsjian ndajyihi tsëhë xi nduva cha xi cuixan cojo rë na.

Sehe cahndë ngu xta hñu xi cachja tsëhë cahndë rcun.

Cuitjin cachja:


—Ha quihndë cjue cuiyuju tangun Nina cojo xuta. Hane xuta jan ne, cumá xuta rë me, hane suva me ne, cumá me Nina rë me.



Sehe ángel ne, catsingacun ná ndajyë xi hacui nandá xi sua cjuahñu. Nandá vëhë ne, nandá yufa xi hasen sacuaha ndyojo tsin. Hane nandá vëhë ne, vetju tsëhë cahndé rcun rë Nina cojo Tsánga, hane vanga taha ndiyatë cavasen nandya.



Cuanitjin ne, mamijí rë tsuhi cojo sá xi sua hasen rë
ta, tsëhë xi hasen rë ngahñu rë Nina ne, sua hasen rë
ngajan, hane Tsánga ne, má ndihi rë.



Hatuxa tsajin cahndě xi cuma rě tu mé ni xi hacuiin
tyjahi xcun Nina. Tsajin yo xi sahmi cjuatsehen,
tsajin yo xi cuichja ndesu.

Suva ni me xi casetaha
ñihi rě xcun libru rě
Tsánga, libru xi
yaha ñihi rě me xi
sacu rě cjuahñu
xatsě ne, me vėhė
sacu rě me cahndě.




Hane Nina ne, tsixiya me yějē
ndatuxcun me. Quihndē tsajin
sa cjuaveya. Tsajin sa
cjuachoho. Tsajin mé má
squihnda me. Tsajin cjuahmu.
Cuatjin cumá ta, tséhē xi
xcusun changá ne, ha cavatju.




Ngajan ne, tsajin mé xi chohovëë Nina tsëhë. Ngajan
nandya vë tacun cahndë rcun xi tsëhë Nina cojo
Tsánga. Hane ngajan ne, me xi tacun xi xa rë me ne,
cjuahacuenda rë me. Scuëë me xcun Nina, hane ñihi
rë Nina ne, setaha
xten me.



Hacuaha cahvë nima. Sa changá, sa quihndi,
hinchacun yëjë ni nima xcun cahndé rcun jan. Hya xi
camá ne, ngu jo libru ne catuxaha. Hacuaha catuxaha
ngu libru xi hacjahi. Hane libru vëhë ne, libru rë
cjuahñu. Sehe camacuenda tsëhë, sacuaha
xcusun xi casahmi nima, hacutjin xi
camahindu xcun libru tjun. Ngajan
xi nima xi casetain ñihi rë me
xcun libru tsëhë
cjuahñu ne, cavixuya
ngajñi laguna tsëhë
ndihi jan.



Ngajan xi Hasen rë Nina cojo na xi cuixan cojo
Tsánga ne, cjuayangui me cuitjin: —Nduvun. Hacuaha
me xi cuihndë cjuá vëhë ne, cuichja me cuinitjin ni:
—Nduvun. Sa xi xinda nuju ne, nduvun. Sa xi
cjueyatacun ne, siuhun tu cuatjo ni nandá rë cjuahñu.



Tsëhë xi jemu catsihmu cacun Nina
xuta ne, hisca casua me Quihndi ngu
rë me, cojo sa xi yëjë ni xuta xi
cumangu cacun me cojo me vëhë
ne, hacuiin cjue hasen rë me
xcun cjuañihi ta sacú rë
me cjuahñu xatsë
xcun Nina.



Romanos 3:23

Yëjë ni xuta ne, sahmi me cjuatsehen, hacuaha chaja camaha sa xi cuechutaha me sacuatjin jyë hnga Nina cojo Hasen rë me.

Romanos 6:23

Sacuaha chjí xi sacu naja tsëhë cjuatsehen ne, hacui cjuaveya. Peru cjuandaja xi Nina sua naja me, tu cjuatjo ni sacu naja hya xi tjin tangun cjuatacun naja cojo Nai naja Jesucristu. Hane sacu naja cjuahñu xatsë.

Hebreos 9:27

Ngayejen ni ne, hatuxa ngu ndiya ni cueyan. Ngaxtun vëhë ne, sehe tsichuva naja Nina cojo cjuatacun naja.



Ephesians 2:8,9

Cuatjin jan ne, cjuani jyë tacun rë Nina ne, vëhë casahmi xi cavaxëtje nuju me tsëhë jyë nuju hya xi camacjain nuju ta, hacuiin suvun cavinchunsun chuva rë xi cavetjuntjun ta tsëhë xi Nina ne, tu cuatjo ni casua nuju me cahndë. Hacuiin tsëhë xi canihñu suvun xi jemu ndaja xi cavéchuntuhun xcusun vë ne, ngatsë rë vëhë ne, hisca ngu xuta cumaji sahmi jyë me yojo rë me.

Romanos 10:9,10

Sa xi ninguíxun cojo ntsuvun xi Jesucristu ne, Nina me, Nai nuju me, hacuaha sa xi cojo xahasen nuju macjain nuju xi catsicuya Nina Jesucristu cjuahñu ne, cuétjuntjun tsëhë jyë nuju. Cuatjin cuma ta, tsëhë xi macjain naja cojo xahasen naja, sehe tsicjë Nina jyë naja, hacuaha ninguixen cojo ntsuvan hacutjin macjain naja, sehe cuaxëtje naja Nina.



San Juan 3:16,17

—Tsëhë xi jemu catsihmu cacun Nina xuta ne, hisca casua me Quihndi ngu rë me, cojo sa xi yëjë ni xuta xi cumangu cacun me cojo me vëhë ne, hacuiin cjue hasen rë me xcun cjuañihi ta sacú rë me cjuahñu xatsë xcun Nina. Nina ne, catsingatju me Quihndi rë me nguehe ngasunhndë, peru hacuiin xi cjuahachuva rë xuta ngasunhndë ta xi cuaxëtje rë xuta.

1 Juan 5:11-13

Hane Nina ne, cachja cjuahñu xatsë jan ngatsë rë Quihndi rë me. Xuta xi tjin tangun cjuatacun rë me cojo Quihndi jan ne, tjin rë me cjuahñu xatsë vëhë. Peru xuta xi tsajin tjin tangun cjuatacun rë me cojo Quihndi rë Nina jan ne, hacuaha tsajin rë me cjuahñu xatsë jan. Vëhë xi cuitjin titsihindu nuju ngayujun ni xi macjain nuju tsëhë Quihndi rë Nina. Titsihindu nuju yëjë ni cju vihi, cojo sa xi cumangutacun ta quixi xi tjin jain nuju ngu cjuahñu xatsë xi tsajin nu tsajin nixtin xi cjuë.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mazatec, Chiquihuitlán NT (maq) © 1991, Wycliffe Bible
Translators, Inc. All rights reserved.

<https://live.bible.is/bible/MAQTBL/MAT/1>

©2026 Bible for Children, Inc.

www.M1914.org

www.bibleforchildren.org

